



# Mga Impormasyon Tungkol sa Gamot

## ABACAVIR (Ziagen)

Huling binago noong September 2003

### Bakit ako pinaiinom ng Abacavir?

- Ang Abacavir (tinatawag ding Ziagen) ay isa sa mga gamot na iniinom kasama ng ibang gamot laban sa HIV infection.
- Ang Abacavir ay nilalaman din ng gamot na Trizivir, na panlaban sa HIV.
- Hinaharang ng Abacavir ang protinang “Reverse Transcriptase”, kaya ito ay kasama sa grupo ng mga gamot na tinatawag na “Reverse Transcriptase Inhibitors” (RTI). Kailangan ng HIV virus ang protinang ito upang magparami. Upang mapabagal ang paglala ng HIV infection, kailangang pigilin ang protinang ito.
- Ang pag-inom nito ay makababawas ng HIV virus sa katawan mo. Maiiwasan ang pagkakaroon ng AIDS-related na mga sakit, mapananatiling malusog ka nang mas matagal na panahon, at mababawasan ang pagkasira ng iyong immune system.

### Paano iniinom ang gamot na ito?

- Ito ay maaring inumin sa 300mg na tabletang Abacavir o liquid form na 20 mg/c.c. Ang kadalasang pag-inom nito ay 300mg, dalawang beses sa maghapon.
- Maaaring inumin ito nang mayroon o walang laman ang tiyan.
- Ang Abacavir ay dapat itabi sa room temperature. Panatilihin laging tuyo, hindi dapat ilagay sa banyo o sa kusina, dahil maaaring mawalan ang bisa nito kapag namasa.
- Itabi sa isang lugar na hindi maaabot ng mga bata.

### Paano kung malimutan ko itong inumin?

- Inumin ito kaagad sa sandaling maalala mo. Kung ang susunod na inom ay sa loob ng dalawang oras, sundin na lamang ang schedule. Huwag dodoblehin ang inom.
- Napatunayan sa mga recent studies na para umepekto ang mga gamot laban sa HIV kailangang regular ang pag-inom nito. Kung hindi, maaaring mawala ang bisa ng mga gamot, at ang virus ay maaaring mag-iba at maging resistant.

### Anu-ano ang mga side effects ng Abacavir?

- Ang pinakamalubhang side effect ng Abacavir ay pagiging hypersensitive at pagkaron ng mga palatandaang gaya ng sa trangkaso. Tatlong porsiyento sa mga umiinom ng Abacavir ang maaaring makaranas nito at ito’y maaaring ikamatay. Ang mga palatandaan nito ay ang mga sumusunod: lagnat at panggiginaw, pagsakit ng mga kalamnan at kasu-kasuan, pagkapagod, pagduduwal, pagsusuka, skin rash, o panghihinal. Kung nakakaranas ka ng alinmang dalawa sa mga ito, kumunsulta kaagad sa doktor. Huwag ititigil ang gamot hangga’t hindi nagpapatingin sa doktor.
- Ang iba pang mga side effects ng Abacavir ay ang mga sumusunod: skin rash, pagkapagod, sakit ng ulo, hindi pagkatulog o insomnya, pagtatae, pagduduwal at pagsusuka, at pananakit ng mga kalamnan. Kumunsulta sa doktor kung nakakaranas ng mga side effects na ito.



### **Puwede bang inumin ang Abacavir na kasabay ng ibang gamot?**

- Ang Abacavir ay maaaring mag-interact sa ibang gamot. Importanteng ipaalam sa doktor o parmasyutika kung anu-anong gamot ang iniinom mo (gayundin ang mga vitamins at herbs).
- Ang mga sumusunod na gamot ay maaaring mag-interact rin sa Abacavir: Antabuse, Parafon Forte, Chloral Hydrate, Isoniazid. Kumunsulta sa iyong doktor o parmasyutika bago uminom ng mga gamot na ito.

### **Puwede bang inumin ang Abacavir nang may kasamang alak o street drugs?**

- Iwasan ang pag-inom ng alak kung umiinom ka ng Abacavir. Ang alkohol ay maaring makapagpataas sa level ng Abacavir at mga side effects nito.
- Ang Abacavir ay maaaring mag-interact rin sa mga street drugs. Kung gumagamit ka ng street drugs, kumunsulta sa doktor o parmasyutika nang mapayuhan ka nila kung ano ang dapat gawin at pag-ingatan.

### **Puwede ba akong uminom ng Abacavir kung ako'y buntis o nagpapasuso?**

- Ikonsulta sa doktor ang pag-inom ng Abacavir kung ikaw ay buntis.
- Ang HIV ay maaaring masalin mula sa gatas ng ina, kung kaya ang ipinapayo sa mga babaeng may HIV ay huwag magpapasuso sa kanilang sanggol.

### **Anu-ano pa ang dapat kong malaman at pag-ingatan kung imiinom ng Abacavir?**

- Regular na kumunsulta sa doktor at magpa-blood test upang matingnan kung maayos ang iyong atay (liver) at bato (kidney).
- Tiyaking mayroon kang tuluy-tuloy na supply ng gamot.
- Ang Abacavir ay hindi pumapatay sa virus o nagpapagaling sa AIDS. Hindi rin nito pinipigil ang pagsalin ng HIV. Laging mag-ingat kung nakikipag-sex ka (gumamit ng kondom), o nagdudurog (gumamit ng malinis na karayom).

**Copyright @ACAS 2001 & 2003.** This fact sheet is produced by ACAS (Asian Community AIDS Services) and is available in English, Chinese (Traditional and Simplified), Tagalog and Vietnamese. Funding for this project is provided by the Ontario HIV Treatment Network (OHTN) and Health Canada. Copies can be downloaded at : [www.acas.org/treatment](http://www.acas.org/treatment). ACAS provides comprehensive support and case management services for Asian people living with HIV/AIDS; and HIV/AIDS prevention education to the east and southeast Asian Canadian populations in the Greater Toronto Area. ACAS is located at 33 Isabella Street, Suite 107, Toronto, Ontario M4Y 2P7. Tel: (416)-963-4300, Fax: (416)-963-4371 Email: [support@acas.org](mailto:support@acas.org)

**Legal Disclaimer:** While we make every attempt to ensure the accuracy and reliability of information contained in this website/ fact sheet, the information provided here are designed for reference purposes only. These information should not be relied upon as a substitute for medical advice from a qualified professional health care provider and should not be used for diagnosing or treating a condition or illness. Please consult a physician if you have any concerns about your health, treatment regimen and questions related to HIV/AIDS. ACAS, its employees and board members will not be responsible for any loss or harm, however arising, from the use of, or reliance on this information.